



*Rabu, 12 Juli 2023*

**Ogen: Amos 1:1-2**



**TUHAN ERDENGUM**



Kai kin si biasana erdengum? Singa, enda me rubia-rubia si merawana kal dingen pe igelari raja hutan. Bagenda me Amos si nuriken kerna Dibata si mereken ancamen kerna kegeluhen bangsa si naia payo. Dibata desken singa sit ep-tep paksa banci njerngem manusia. Enda teridah arah erbage-bage ancamen siituriken Amos sebage 'suara kenabianna' si jadi persinget ibas mbelinna dosa bangsa e man Dibata. Reh ibas sada kuta si kitik, Tekoa, dahinna perternak ras nuan batang kurma, janah ia labo ipebelin ibas keluarga nabi. Ertina, Amos eme kalak biasa si idilo, isuruh Dibata guna nehken rawa ras ancamenna. Sienda jadi erkiteken kerina golongan bangsa e enggo lanai patuh ras mpeturah raswa Dibata. Termasuk golongan kalak simeteh udang-undnag pe enggo ngelakoken si la bujur. Tuhan erdengum, bageme kata pembuka kitab enda si nuriken bage belinna rawa Dibata tuhu-tuhu jadi sada kebiaren nandangi kegeluhen manusia, amin bagepe la kepe jadi kebiaren man sebagin manusia. Ancamen isehken Amos, alu arapen reh bangsa enda ndahi Dibata, gelah jera ras nadingken kerina si la payo.

Bagi bangsa enda, ibas kegeluhenta pe banci erdengum Tuhan perbahan rawana. Ntah kugapa pe sorana, isepe si nehkenca si pasti e jadi persinget man banta. Megermet nandangi cara Tuhan mpersingeti kita, jelas tujunna gelah kita selamat. La nggeuh ibas kejahatan si she kal ate Dibata nembegna. Perbahan keleng kal ate Dibata maka icidahken Dibata biakna si merawa gelah mbiar kita dingen sitadingken kerina kejahatan ras si la payo. Mari megermet megiken kata persinget ibas Dibata, gelah ula sempat IA erdengum simahanca kebiaren nandangi kegeluhenta. Enggo sialoken persinget e mari nggeluh alu benar.